

## 3. gr.

Eftirfarandi breyting verður á viðauka 5:

Í stað:

Nígería – Lagos – Sendiráð Noregs

kemur:

Nígería – Abuja – Sendiráð Noregs

## 4. gr.

Í viðauka 5 falla brott eftirtaldir staðir og sendistofnanir:

Bandaríkin – Washington – Sendiráð Danmerkur.

Jamaíka – Kingston – Sendiráð Hollands.

Kúveit – Kúveit – Sendiráð Finnlands.

## 5. gr.

Reglugerð þessi, sem sett er með stoð í 58. gr., sbr. 5. og 6. gr., laga um útlendinga nr. 96 15. maí 2002, öðlast þegar gildi.

*Dóms- og kirkjumálaráðuneytinu, 8. júlí 2003.*

**Björn Bjarnason.**

*Björn Friðfinnsson.*

## AUGLÝSING

### um ökutækjatryggingar.

## 1. gr.

Samkvæmt heimild í 5. mgr. 91. gr. umferðarlaga, nr. 50, 1987, sbr. lög nr. 84, 1998 og lög nr. 26, 2003, er ákveðið að váttryggingarfjárhæðir ábyrgðartryggingar ökumanna samkvæmt 4. mgr. 91. gr. skuli vera 1.350 milljónir kr. vegna líkamstjóns eða vegna missis framferanda og 228 millj. kr. vegna tjóns á munum.

## 2. gr.

Samkvæmt heimild í 4. mgr. 92. gr. umferðarlaga, sbr. lög nr. 32, 1998 og lög nr. 26, 2003, er ákveðið að váttryggingarfjárhæð slysatryggingar ökumanns og váttryggingartaka samkvæmt 1.-3. mgr. 92. gr. skuli vera 101 millj. kr.

## 3. gr.

Hámark eigin áhættu váttryggingartaka samkvæmt 2. málsl. 3. mgr. 4. gr. reglugerðar um lögmæltar ökutækjatryggingar nr. 392 27. maí 2003, er 200.000 krónur fyrir einstakling og 1 milljón kr. fyrir rekstraraðila. Hámark eigin áhættu samkvæmt 3. málsl. 3. mgr. 4. gr. er 50.000 kr.

4. gr.

Ákvæði auglýsingar þessarar taka þegar gildi.

Jafnframt fellur úr gildi auglýsing um ökutækjatrýggingar nr. 309 9. apríl 2002.

*Dóms- og kirkjumálaráðuneytinu, 4. júlí 2003.*

**Björn Bjarnason.**

---

*Björn Friðfinnsson.*

## AUGLÝSING

### um breytingu á aðalskipulagi Hafnarfjarðar 1995 – 2015, Víðistaðasvæði.

Samkvæmt 19. gr. skipulags- og byggingarlaga nr. 73/1997 hefur ráðherra þann 8. júlí 2003 staðfest breytingu á aðalskipulagi Hafnarfjarðar 1995-2015 frá 23. desember 1997.

Breytingin felst í meginatriðum í því að opið svæði/almennt grænt svæði verður opið svæði til sérstakra nota. Afmörkuð eru svæði fyrir tjaldsvæði, skólagarða og hverfisverndar-svæði. Stofnanalóðir fyrir grunnskóla, kirkju og leikskóla eru stækkaðar. Göngustígum og stofnanastígum er breytt til samræmis við deiliskipulag og framkvæmdir.

Uppdrátturinn hefur hlotið þá meðferð sem skipulags- og byggingarlög mæla fyrir um og samþykki bæjarstjórnar Hafnarfjarðarbæjar. Skipulagsstofnun hefur afgreitt erindið til staðfestingar.

Breytingin öðlast þegar gildi.

*Umhverfissráðuneytinu, 8. júlí 2003.*

**Siv Friðleifsdóttir.**

---

*Ingibjörg Halldórsdóttir.*

## AUGLÝSING

### um staðfestingu á aðalskipulagi Mosfellsbæjar 2002 – 2024.

Samkvæmt 19. gr. skipulags- og byggingarlaga, nr. 73/1997 hefur umhverfissráðherra þann 8. júlí 2003 staðfest aðalskipulag Mosfellsbæjar 2002-2024.

Uppdrættir og greinargerðir hafa hlotið þá meðferð sem skipulags- og byggingarlög mæla fyrir um. Bæjarstjórn Mosfellsbæjar hefur samþykkt aðalskipulagsáætlunina og Skipulagsstofnun afgreitt hana til staðfestingar.

Aðalskipulagið öðlast þegar gildi.

*Umhverfissráðuneytinu, 8. júlí 2003.*

**Siv Friðleifsdóttir.**

---

*Ingibjörg Halldórsdóttir.*